

## اتوار 3 مئی، 2026

### مضمون۔ ہمیشہ دی سزا

سنہری متن: یوحنا 3 باب 17 آیت

”کیوں ہے رب نے پترنوں جگ وچ ایس لئی نئیں گھلیا پئی جگ اُتے سزادا حکم دیوے بلکہ ایس لئی پئی جگ اوہدے پاروں  
مکتی پاوے۔“

جوابی پڑھائی: زبور 62:1، 2، 5، 7، 8 آیتاں

- 1۔ میری جان نوں رب دی آس ای اے۔ میری مکتی اوہدے نال ای اے۔
- 2۔ اوہ کلاہ ای میری چٹان تے میری مکتی اے۔ اوہ ای میرا اُچار ج اے۔ مینوں بوہتی جنبش نہ ہووے گی۔
- 5۔ اے میری جندے رب دی ای آس رکھ کیوں ہے اوہدے توں ای مینوں امید اے۔
- 7۔ میری مکتی تے میری طاقت رب ولوں اے۔ رب ای میری قوت دی چٹان تے میری پناہ اے۔
- 8۔ اے لو کو! ہر ویلے اوہدے اُتے بھروسہ رکھو۔ اپنے دل دا حال اوہدے سامنے کھول دیو۔ رب ساڈی پناہ گاہ اے۔

## درسی وعظ

## بائبل وچوں

## 1- زبور 107:1 توں 6 آیتاں

- 1- خداوند دا شکر کرو کیوں جے اوہ چنگا اے تے اوہدی شفقت ہمیشہ دی اے۔
- 2- خداوند دے چھڑائے ہوئے ایہہ آکھن۔ جنہاں نوں اوہنے فدیہ دے کے ویری دے ہتھوں چھڑالیا۔
- 3- تے اوہناں نوں دیس دیس وچوں اکٹھا کیتا۔ پورب توں پچھم تیکر۔ اتر توں دکھن تیکر۔
- 4- اوہ بیابان وچ صحرا دی راہ اُتے بھٹکدے پھرے۔ اوہناں نوں وسن لئی کوئی شہر نہ ملیا۔
- 5- اوہ پگھلے تے تریائے سی تے اوہناں دا دل میٹھدا جاندا سی۔
- 6- تداپنی مصیبت وچ اوہناں نے فریاد کیتی۔ تے اوہنے اوہناں نوں اوہناں دے دکھاں توں رہائی دتی۔

## 2- 2 کرنتھیوں 6 باب 1، 2 آیتاں

- 1- تے اسی جیہڑے اوہدے نال کم وچ شریک آں ایہہ وی تہاڈے اگے منت کر دے آں پئی رب دا فضل جیہڑا تہاڈے اُتے ہوئیا اے بے فائدہ نہ رہن دیو۔

2- کیوں جے اوہ آکھدا اے پئی میں قبولیت دے ویلے تیری سن لئی تے مکتی دے دن تیری مدد کیتی۔ ویکھو ہن قبولیت دا ویلہ اے۔ ویکھو ایہہ مکتی دا دن اے۔

### 3- فلیپیوں 2 باب 12، 13 آیتاں

12- ایس لئی، اے میرے پیارے! جیویں تو ہمیشہ توں فرمانبرداری کردا آیا ایں او سے طراں ہن وی نہ صرف میرے ہندییاں بلکہ میرے نہ ہندییاں اوہدے توں وی بوہتا ڈر دے تے کمبندے ہوئے اپنی مکتی دے کم کردے جاؤ۔

13- کیوں جے جیہڑا تھا ڈے وچ نیت تے عمل دونواں نوں اپنے نیک ارادے نوں پورا کرن لئی پیدا کردا اے اوہ رب اے۔

### 4- 2 سلاطین 5 باب 1 توں 4، 9 توں 16 آیتاں

1- تے شاہ ارام دے لشکر داسر دار نعمان اپنے آقا لئی معزز و مکرم سی کیوں جے خداوند نے اوہدے پاروں ارام نوں فتح بخشی سی اوہ زبردست سورما وی سی پر کوڑھی سی۔

2- تے ارامی دل بنھ کے نکلے سی تے اسرائیل دے ملک وچوں اک نکئی کڑی نوں قید کر کے لے آئے سی۔ اوہ نعمان دی بڑھی دی خدمت کردی سی۔

3- اوہنے اپنی بی بی نوں آکھیا کاش میرا آقا او س بنی دے کول ہندا جیہڑا سامریہ وچ اے تے اوہ اوہنوں اوہدے کوڑھ توں شفا دے دیندا۔

4- تکسے نے اندر جا کے اپنے مالک نوں آکھیا پئی اوہ کڑی جیہڑی اسرائیل دے دیس وچوں اے ایہہ آکھدی اے۔

9- ایس لئی نعمان اپنے گھوڑیاں تے رتھاں دے نال آیا تے ایشع دے بُوہے اُتے کھلوتا۔

- 10- تے ایشع نے اک قاصد دے پاروں سنیماں گھلپائی جاتے یردن وچ ست واری غوطہ مارتے تیر ابدن فیر بحال ہو جاوے گاتے توں پاک صاف ہونویں گا۔
- 11- پر نعمان ناراض ہو کے ٹر گیا تے آکھن لگا مینوں لگد اسی پئی اوہ نکل کے ضرور میرے کول آوے گاتے کھلو کے خداوند اپنے رب توں دعا کرے گاتے اوس تھاں اُتے اپنا ہتھ ایدھر اُدھر ہلا کے کوڑھ نوں شفا دیوے گا۔
- 12- کیہ دمشق دے دریا بانہ تے فر فر اسرائیل دیاں ساریاں ندیاں توں ودھ کے نئیں اے۔ کیہ میں اوہناں وچ نہا کے پاک صاف نئیں ہو سکدا؟ ایس لئی اوہ مڑیا تے بڑے قہر وچ ٹر گیا۔
- 13- فیر اوہ دے نوکر اوہ دے کول آ کے ایخ آکھن لگے اے ساڈے مالک جے اوہ نبی کوئی وڈھا کم کرن داتینوں حکم دینداتے کیہ توں اوہنوں نہ کردا؟ ایس لئی جدوں اوہ آکھد اے پئی نہالے تے پاک صاف ہو جاتے کنماں کہ اوہنوں منناں چاہیدا اے؟
- 14- فیر اوہنے اتر کے رب دے بندے دے آکھن اُتے یردن وچ ست غوطے مارے تے اوہ ابدن چھوٹے بال دے بدن وانگر ہو گیا تے اوہ پاک صاف ہو گیا۔
- 15- فیر اوہ اپنی ساری جلودے سارے لوکاں دے نال رب دے بندے کول واپس آیاتے اوہ دے سامنے کھلواتے آکھن لگیا ویکھ ہن میں جان لیا پئی اسرائیل توں علاوہ ہور کتے ساری دھرتی اُتے کوئی رب نئیں ایس لئی ہن کرم فرما کے اپنے نوکر دا ہدیہ قبول کر۔
- 16- پراوہنے جواب دتا پئی رب دی حیاتی دی قسم جیدے اگے میں کھڑاں میں کجھ نئیں لواں گاتے اوہنے بوہت ضد کیتی کہ لے لے پراوہنے انکار کردتا۔

## 5- لوقا 19 باب 1 توں 10 آیتاں

1- اوہ یریکھ وچ وڑھ کے جار نیاسی۔

- 2- تے ویکھوز کائی ناں دا اک بندہ سی جیہڑا محصول لین والیاں دا سردار تے دو لتمد سی۔
- 3- اوہ یسوع نوں ویکھن دی کوشش کر داسی پر جتھے دے پاروں ویکھ نہیں سکد اسی۔ ایس لئی پئی اوہدا قد چھوٹا سی۔
- 4- ایس لئی اوہنوں ویکھن لئی آگے نس کے اک گولر دے رکھ اُتے چڑھ گیا کیوں جے اوہ اوہ سے راہ توں جان نوں سی۔
- 5- جدوں یسوع اوس تھاں تے اُپڑیا تے اُتے نظر کر کے اوہنوں آکھیا اے زکائی چھیتی اتر آ کیوں جے آج مینوں تیرے گھر رہنا ضرور اے۔
- 6- اوہ چھیتی اتر کے خوشی نال اوہنوں اپنے گھر لے گیا۔
- 7- جدوں لوکاں نے ایہہ ویکھیا تے سارے بڑ بڑا کے آکھن لگے ایہہ تے اک پاپی بندے دول جا اتریا۔
- 8- تے زکائی نے کھلو کے خداوند نوں آکھیا اے خداوند ویکھ میں اپنا آدھامال غریباں نوں دینا واں تے جے کسے دا کجھ نہ حق لے لیا اے تے اوہنوں چار گنلاد اکرداں واں۔
- 9- یسوع نے اوہنوں آکھیا آج ایس گھر وچ مکتی آئی اے۔ ایس لئی پئی ایہہ وی ابرہام دا پتر اے۔
- 10- کیوں جے آدم دا پتر گواچے ہوئیاں نوں لبھن تے مکتی دین آیا اے۔

## 6- زبور 1:46، 2 (توں پہلی)، 4، 5 (توں:)، 10، 11 (توں پہلی) آیتاں

- 1- رب ساڈی پناہ تے طاقت اے۔ مصیبت وچ مستعد مددگار۔
- 2- ایس لئی ساہنوں کجھ خوف نہیں بھانویں دھرتی اُلٹ جاوے۔ تے پہاڑ سمندر دی تہہ وچ سُٹ دتے جان۔
- 4- اک اجیہا دریا اے جیہڑا شاخاں نال رب دے شہر نوں یعنی حق تعالیٰ دے پاک مسکن نوں فرحت ہندی اے۔
- 5- رب اوہدے وچ اے۔ اوہنوں کدی جنبش نہ ہووے گی۔ رب صبح سویرے اوہدی مُک کرے گا۔

10- چپ ہو جاو تے جان لو وپنی میں رب واں۔ میں تو ماں دے وچکار سر بلند ہونواں گا۔

11- لشکراں دا خداوند ساڈے نال اے۔ یعقوب دارب ساڈی پناہ اے۔

## 7- زبور 91:1 توں 3 آیتاں

1- جیہڑا حق تعالیٰ دے پردے وچ رہندا اے، اوہ قادر مطلق دے پر چھانویں وچ سکونت کرے گا۔

2- میں خداوند دے بارے آکھاں گا اوہ ای میری پناہ تے میرا گڑھ اے۔ اوہ میرا رب اے جیدے اُتے میرا توکل اے۔

3- کیوں جے اوہ تینوں صیاد دے پھندے تے مہلک و باتوں چھڑائے گا۔

## 8- یسعیاہ 10 باب 24 (توں پہلی) آیت

24- پر خداوند رب الافواج آکھدا اے،

## 9- زبور 91:14 توں 16 آیتاں

14- کیوں جے اوہنے میرے نال دل لایا اے ایس لئی میں اوہنوں چھڑانواں گا۔ میں اوہنوں سرفراز کراں گا کیوں

جے اوہنے میرا ناں پچھانیا اے۔

15- اوہ مینوں پکارے گاتے میں اوہنوں جواب دیواں گا۔ میں مصیبت وچ اوہدے نال رہواں گا۔ میں اوہنوں چھڑانواں گاتے اوہنوں عزت بخشاں گا۔

16- میں اوہنوں عمر دی درازی نال آسودہ کراں گاتے اپنی ملکتی اوہنوں دکھاواں گا۔

## سائنس تے صحت

1- 12-10:444

اوہ جیہڑے اوہدے اُتے یقین رکھدے نیں قدم بہ قدم ایہہ جانن گے پئی ”رب ساڈی پناہ تے طاقت اے۔ مصیبت وچ مستعد مددگار۔“

2- 12-11:22

”اپنی ملکتی لئی کوشش کرو“، ایہہ حیاتی تے پیار دی مانگ اے، کیوں جے ایہتھے تیکر پہنچن لئی رب تہاڈے نال کم کردا اے۔

3- 22-20:593

مکتی۔ حیاتی، سچائی تے پیار نوں ساریاں توں اعلیٰ سمجھیا تے ظاہر کیتا گیا؛ پاپ، بیماری تے موت نوں نیست کیتا گیا۔

4- 27-17:394

تجر بے نے لکھاری لئی عام طور تے مادی نظاماں دی غلط فہمی نوں ثابت کیتا اے، پئی ایہناں دے نظریے کدی کدی نقصان دہ ہندے نیں، تے ایہناں دے انکار ایہناں دی ہاں نالوں چنگے ہندے نیں۔ کیہ تسی اک بندے نوں بریاں اُتے قابو پان دا حکم دیو وگے، اوہنوں ایہہ یقین دواندیاں ہوئے پئی ساری بد بختی رب ولوں اے، جیدے خلاف انساناں نوں نسئیں لڑنا چاہیدا؟ کیہ تسی بیماراں نوں دسو گے پئی اوہناں دی حالت ناامیدی والی اے، جد تیکر پئی اوہنوں دوا یا آب و ہوا توں مدد نہ ملے؟ کیہ مادی ذریعے مہلک امکاناں توں کلی پناہ گاہ نیں؟ کیہ ہر طراں دے اختلاف نوں ہم آہنگی، حق تے سچائی دے نال فسخ کرن دی کوئی خدائی اجازت نسئیں اے؟

5- 26-18:240

جیویں جیویں ویلہ لنگد اے انسان نیکی یا بدی ول پھر دے جان دے نیں۔ جے بندے اگے ودھن والے نسئیں، تے بچھلیاں ناکامیاں تے تیکر دوہرئیاں جان دیاں رہن گیاں جد تیکر پئی سارے غلط کم مک نسئیں جان دے یا ٹھیک نسئیں ہو جان دے۔ جے ہلے غلط کم توں مطمئن او، تے ساہنوں ایہدے توں نفرت کرنا سکھنا چاہیدا اے۔ جے ہلے سُستی توں مطمئن او، تے ساہنوں ایہدے توں غیر مطمئن ہونا پوے گا۔ یاد رکھو پئی انسان چھیتی یادیر بعدوں، بھانویں ڈکھاں دے راہیں یا سائنس دے راہیں، غلطی اتے مائل ہو جان گے پئی ایہنے ہارنا اے۔

6- 9-27:37

ایہناں لازمی حکماں نوں سنو: ”ایس لئی چاہیدا اے پئی تسی کامل ہوو جیویں تہاڈا آسمانی پیو کامل اے!“ ”تسی سارے جگ وچ جا کے پوری خلقت دے سامنے انجیل دی منادی کرو!“ ”بہار نوں شفا دیو!“

ایس مسیحت نے انساناں نوں مسیحی کوششاں لئی متحرک کرن لئی ایہنے گھٹ الہام دا مطالبہ کیوں کیتا اے؟ کیوں جے انساناں نوں یقین دوا یا جاندا اے پئی ایہہ حکم بس اک خاص مدت تے مگر ٹرن والیاں دی مخصوص تعداد لئی سی۔ ایہہ تعلیم پرانے خیال دی پیش بندی توں وی بوہتی نقصان دی اے، کجھ چنیاں ہوئیاں نوں بچا یا جاوے گا، جد کہ باقی شیطان نہیں۔ تے ایہہ اے تے غور کیتا جاوے گا، جد انساناں دے بنائے ہوئے عقیدیاں دے پاروں انساناں دی سستی، الہی سائنس دے تقاضیاں نال ٹٹ جاندا اے۔

7- 17-12:31

مسیحی فرضاں دی فہرست وچ سب توں پہلا فرض اوہنے اپنے مگر ٹرن والیاں نوں سکھایا وہ سچائی تے پیار دی شفا دین والی طاقت اے۔ اوہنے بے جان رسماں نوں کوئی اہمیت نہیں دتی۔ ایہہ جیوندہ مسیح، عملی سچائی ای اے جیہڑا مسیح نوں اوہناں ساریاں لئی ”قیامت تے حیاتی“ بناؤندا اے جیہڑے کماں وچ اوہدے مگر ٹر دے نہیں۔

8- 25-1:39

عاجزی نال ساڈے مالک نے اپنی نہ منی جان والی شان داندق بنوایا۔ جیویں دی بے عزتی اوہنے سہی، اوہدے مگر ٹرن والے مسیحیت دی اخیر جت تیکر برداشت کرن گے۔ اوہنے ہمیشہ دے اجر حاصل کیتے۔ اوہنے جگ، بدن تے ساری غلطی اُتے قابو پایا، ایخ اوہناں دے عدم نون ثابت کیتا۔ اوہ پاپ، بیماری تے موت توں پوری طراں مکتی لیا۔ ساہنوں ”مسیح، تے اوہدے سولی چاڑھے جان“ دی لوڑاے۔ ساہنوں اوکھلاں تے اپنیاں انکاریاں دے نال نال خوشیاں تے کامیابیاں حاصل کرنیاں چاہیدیاں نیں، جد تیکر پئی ساری غلطی تباہ نہیں ہو جاندی۔

ایہہ سکھایا گیا عقیدہ اے پئی جان بدن وچ انساناں نون موت دے دوست بنن دا سبب بن دی اے، یعنی لافانیت تے نعمت وچوں فانیت توں اخذ کیتا گیا راہ دا پتھر۔ بائبل موت نون ویری اکھدی اے، تے یسوع ایہناں نون من دی بجائے موت تے قبر اُتے فتح مند ہو گیا۔

رسول نے آکھیا، ”ہن ایہہ قبولیت دا ویلہ اے۔ ویکھو ایہہ مکتی دادن اے“، مطلب ایہہ بالکل نہیں پئی ہن انسان نون مستقبل دی جگ دی مکتی یا حفاظت لئی تیاری کرنی چاہیدی، بلکہ ایہہ پئی ہن ایس مکتی داروہ تے حیاتی وچ تجربہ کرن دا ویلہ اے۔ ہن ویلہ اے نام نہاد مادی تکلیفاں تے مادی خوشیاں نون ترک کرن دا، کیوں جے دونوں غیر اصلی نیں، ایس لئی پئی دونوں سائنس وچ ناممکن نیں۔ ایس دھرتی دے جادو نون مکاؤن لئی، بشر نون اوس سب دے اصلی تصور تے الہی اصول نون سمجھنا چاہیدا اے جیہڑا ہم آہنگی دے نال سنسار وچ وجود رکھدا اے تے اوہدے اُتے حکمرانی کردا اے۔ ایس خیال نون ہولی ہولی سمجھیا جاند اے، تے شک تے ناکامیاں تے ایہدے نال نال جتاں دے نال ایہنوں حاصل کرنا ممکن بناؤن توں پہلاں ایہدے دو حصے کیتے جاندے نیں۔

9- 30:30-32

اسی آپ ایہدا انتخاب نہیں کر سکہدے، پر ساڈی مکتی لئی ساہنوں اوہداں دے کم ای کرنے چاہیدے نیں  
جداں یسوع نے ساہنوں سکھایا اے۔

## 10- 29-31:98

اوہ راہ جیدے تائیں لافانیت تے حیاتی دی تعلیم پائی جان دی اے اوہ کلیسیائی نہیں بلکہ مسیحی، انسانی نہیں الہی، بدنی نہیں مابعد الطبیعیاتی، مادی نہیں بلکہ سائنسی طور تے روحانی اے۔ انسانی فلسفہ، اخلاقیات تے وہم اوس قابل قبول الہی اصول نوں برداشت نہیں کردے جیدے پاروں انسان پاپ توں فرار ہو سکے؛ فیرو پاپ توں مفروری، بائبل دی مانگ اے۔ رسول آکھدا اے، ”ڈردے تے کبدے ہوئے اپنی مکتی داکم کردے جاؤ،“ تے اوہ سدھاسدھایا ایہہ گل شامل کردا اے پئی، ”کیوں جے جیہڑا تہاڈے اندر نیت تے عمل دونوں نوں اپنے نیک ارداے نوں پورا کرن لئی پیدا کردا اے اوہ رب اے،“ (فلیپیوں 2 باب 12، 13 آیتاں)۔ سچائی نے بادشاہی دی چابی تیار کر لئی اے، تے ایس چابی دے پاروں کر سچن سائنس نے انسانی فہم دا بوہا کھول لیا اے۔ کوئی وی تالہ نہیں چک سکدا تے نہ ای کسے بوہے چوں لنگ سکدا اے۔ عام تعلیمیں مادی نہیں نہ پئی روحانی۔ کر سچن سائنس بس اوہ ای سکھاندی اے جو روحانی تے الہی اے، انسانی نہیں۔ کر سچن سائنس بے ربط تے الہی اے۔ شیواں دار روحانی احساس غلط اے کیوں جے ایہہ انسان اے۔

اوہ لوکی جیہڑے تھیو سہی، روحانیت یا ہمنائز م نوں اپنا دے نیں، اوہناں دی فطرت کجھ دوجیاں توں ودھ کے ہو سکدی اے جیہڑے اپنے غلط عقیدیاں توں بچ دے نیں۔ ایس لئی میرا مقابلہ اک بندے نال نہیں باطل انسان نال اے۔ میں انسان نال پیار کردا اوں تے محنت کردا ہوں گا تے برداشت کردا ہوں گا۔

سچی روحانیت دے پُر سکون، مضبوط دھارے، جنہاں دے اظہار صحت، پاکیزگی تے اپنے آپ دی قربانی نہیں، ایہناں نوں اوس ویلے تیکر انسانی تجربے نوں گہرا کرنا چاہیدا اے جدوں تیکر مادی وجودیت دے عقیدے واضح مسلط ہندیں وکھالی نہیں دیندے تے پاپ، بیماری تے موت روحانی الوہیت دے سائنسی اظہار تے رب دے روحانی، کامل انسان نوں تھان نہیں دیندے۔

## 11- 31-24:264

روحانی حیاتی تے برکت ای گلے ثبوت نیں جنہاں دے پاروں اسی اصلی وجودیت نوں پچھان سکدے تے بیان نہ کیتے  
جان والے سکون نوں محسوس کر دے آں جیہڑا سارا جذب کرن والے روحانی پیار توں نکلا اے۔

جدوں اسی مسیحی سائنس وچ راہ جان دے آں تے انسان دی روحانی ہستی نوں پچھاندے آں، اسی رب دی تخلیق نوں  
سمجھاں تے ویکھاں گے، سارا جلال دھرتی تے آسمان تے انسان لئی۔

## روزانہ دے فرض

میری بیکریڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی  
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،  
تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی بیارای حکومت کرداے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال بیار دیاں مٹھیاں سچیاں داپر چھانواں بن دااے۔ ایس چرچ دے سارے رکنناں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔